

ՈՍՏԻԿԱՆՈՒԹՅԱՆ ԿԱՐԻՔՆԵՐԻ ՀԱՄԱՐ ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ  
ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ  
N ՀՀ Ո ՄԱԾՁԲ-2023-ՏՎ-ԴԻՉԱՅՆ-Ա-25

ք. Երևան

«13» մարտի 2023 թ.

ՀՀ ոստիկանությունը, ի դեմս ՀՀ ՆԳՆ ոստիկանության պետ-ներքին գործերի նախարարի տեղակալ, ոստիկանության գեներալ-մայոր Ա. Հովհաննիսյանի, որը գործում է ոստիկանության կանոնադրության հիման վրա (այսուհետ՝ Պատվիրատու), մի կողմից, և «ՖԱԻՆԱ ԴԻՉԱՅՆ» ՍՊԸ-ն, ի դեմս տնօրեն Ֆ. Հարությունյանի, որը գործում է Ընկերության կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

**1. Պայմանագրի առարկան**

1.1 Պատվիրատուն հանձնարարում է, իսկ Կատարողը ստանձնում է **դիզայնի օժանդակ ծառայությունների** մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

**2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում՝ նաև պայմանագրի 5.5 կետով նախատեսված տույժը:

**2.4 Կատարողը պարտավոր է՝**

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

**3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 15 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

#### **4. ՊԱՅՄԱՆԱԳՐԻ ԳԻՆԸ**

4.1. Սույն պայմանագրով Կատարողի մատուցման ենթակա ծառայության գինը կազմում է **990 000** (ինը հարյուր ինսուս հազար) ՀՀ դրամ:

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված ամիսներին, բայց ոչ ուշ, քան մինչև տվյալ տարվա **դեկտեմբերի 25-ը**:

Ընդ որում վճարում կատարելու նպատակով հանձնման-ընդունման արձանագրությունն ստորագրվելու օրվանից հետո 3 աշխատանքային օրվա ընթացքում պատվիրատուն վճարման հանձնարարագիրը և հանձնման-ընդունման արձանագրության պատճենը մուտքագրում է լիազորված մարմնի գանձապետական համակարգ, իսկ սահմանված կարգի համաձայն ներկայացված փաստաթղթերի հիման վրա լիազորված մարմինը տվյալ վճարումը կատարում է հանձնման-ընդունման արձանագրությունը գանձապետական համակարգ մուտքագրված լինելու դեպքում՝ սույն պայմանագրի վճարման ժամանակացույցով սահմանված ժամկետներում, հինգ աշխատանքային օրվա ընթացքում:

#### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## **6. ԱՆՀԱՂԹԱՎԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)**

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## **7. ԱՅԼ ՊԱՅՄԱՆՆԵՐ**

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 7 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկվում է նաև Կատարողի էլեկտրոնային փոստին:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է 10 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 1.1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

**Պ Ա Տ Վ Ի Ր Ա Տ ՈՒ**  
**ՀՀ ոստիկանություն**  
ք. Երևան, Նալբանդյան 130  
**ՀՀ Ֆինանսների նախարարության**  
**Աշխատակազմի գործառնական վարչություն**  
Հ/Հ 900011021947  
ՀՎՀՀ 01533334  
Հեռ. 010 59-61-52  
Էլ. հասցեն՝ [police\\_gnumner@police.am](mailto:police_gnumner@police.am)

Ս. Հովհաննիսյան  
/ ՀՀ ՍԳՆ ոստիկանության պետ-ներքին  
գործերի նախարարի տեղակալ,  
ոստիկանության գեներալ-մայոր/  
(ստորագրություն)



**Կ Ա Տ Ա Ր Ո Ղ**  
**«ՖԱԻՆԱ ԴԻԶԱՅՆ» ՍՊԸ**  
Հասցե՝ ք. Երևան, Ծիծեռնակաբերդի խճղ. 1/3  
Բանկ՝ Էվոկաբանկ ՓԲԸ  
Հ/Հ 1660015376030100  
ՀՎՀՀ 01400461  
Հեռ: 091050908  
Էլ. Փոստ: [faina.fashion.official@gmail.com](mailto:faina.fashion.official@gmail.com)

Ֆ. Հարությունյան  
(ստորագրություն)  
Կ.Տ.



Անհրաժեշտության դեպքում պայմանագրում կարող են ներառվել ՀՀ օրենսդրությանը չհակասող դրույթներ:

Հավելված N 1  
 « 23 » 03 2023 թ. կնքված  
 ՀՀ ՈՍԾՁԲ-2023-S4-ԴԻՉԱՅՆ-Ա-25 ծածկագրով պայմանագրի

ՏԵԽՆԻԿԱԿԱՆ ԲՆՈՒԹԱԳԻՐ - ԳՆՄԱՆ ԺԱՄԱՆԱԿԱՅՈՒՅՑ\*

ՀՀ դրամ

		Ծառայության					մատուցման
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր քանակը	Հասցեն	Ժամկետը**
1	Դիզայնի օժանդակ ծառայություններ CPV-79931300/2	Համաձայն հավելված 1.1-ի	դրամ	990 000	1	Արշակունյաց 77Ա	Պայմանագիրը ուժի մեջ մտնելուց 110 օրվա ընթացքում, Բայց ոչ ուշ, քան 20.12.23թ.

ՀՀ ՆԳՆ ոստիկանության ծառայողի համազգեստի դիզայնի մշակման ծառայության վերաբերյալ

Ձ/Բ	Համազգեստի անվանում	Համառոտ նկարագիր, բաղադրիչներ
1.	Գլխարկներ (գլխարկ կիսաբրդյա, տոնական)	Նախատեսված է տոնական միջոցառումների ժամանակ կրման համար
2.	Գլխարկ (պիլոտկա կին ծառայողների համար)	Նախատեսված է տոնական միջոցառումների ժամանակ կրման համար
3.	Կոստյումներ (տարազաբաճկոն - տաբատ՝ կիսաբրդյա, տոնական)	Նախատեսված է տոնական միջոցառումների ժամանակ կրման համար
4.	Կոստյումներ (տարազաբաճկոն - կիսաշրջագգեստ՝ կիսաբրդյա, տոնական)	Նախատեսված է տոնական միջոցառումների ժամանակ կրման համար
5.	Վերնաշապիկներ (վերնաշապիկ ե/թ սպիտակ տոնական)	Նախատեսված է տոնական միջոցառումների ժամանակ կրման համար
6.	Վերնաշապիկներ (վերնաշապիկ կ/թ սպիտակ տոնական)	Նախատեսված է ամռանը տոնական միջոցառումների ժամանակ կրման համար
7.	Փողկապ	Նախատեսված է տոնական միջոցառումների ժամանակ կրման համար
8.	Փողկապ (թիթեռնիկ կին ծառայողների համար)	Նախատեսված է տոնական միջոցառումների ժամանակ կրման համար
9.	Կոշիկ սև կանաչի	Նախատեսված է գարունից-աշուն կրման համար
10.	Կոշիկ սև	Նախատեսված է գարունից-աշուն կրման համար
11.	Գոտի սև բարակ	Նախատեսված է ամենօրյա կրման համար

12.	Գլխարկ (կեպի դասական)	Նախատեսված է ամենօրյա կրման համար
13.	Կոստյումներ (բաճկոն-տաբատ՝ կիսաբրդյա)	Նախատեսված է ամենօրյա կրման համար
14.	Սվիտեր (բարակ)	Նախատեսված է ամենօրյա կրման համար
15.	Գլխարկ (կեպի դասական)	Նախատեսված է ամենօրյա կրման համար
16.	Կոստյումներ (բաճկոն-տաբատ՝ կիսաբրդյա ե/թ, կեպիով)	Նախատեսված է ամենօրյա կրման համար
17.	Կոստյումներ (բաճկոն-տաբատ՝ կիսաբրդյա կ/թ, կեպիով)	Նախատեսված է ամենօրյա կրման համար
18.	Ներքնաշապիկներ (շապիկ կիսաթև սև)	Նախատեսված է ամենօրյա կրման համար
19.	Կոշիկ սպորտային ամառային	Նախատեսված է ամռանը կրման համար
20.	Կոշիկ սպորտային ձմեռային	Նախատեսված է ձմռանը կրման համար
21.	Գոտի տաբատի լայն սև	Նախատեսված է տաբատի հետ կրման համար
22.	Գլխարկներ (կեպի ամառային)	Նախատեսված է ամռանը կրման համար
23.	Վերնաշապիկներ (վերնաշապիկ ե/թ)	Նախատեսված է գարուն-աշուն կրման համար
24.	Վերնաշապիկներ (վերնաշապիկ կ/թ)	Նախատեսված է ամռանը կրման համար
25.	Շապիկ պոլո տեսակի կ/թ	Նախատեսված է ամենօրյա կրման համար
26.	Տաբատներ (տաբատ կիսաբրդյա)	Նախատեսված է ամենօրյա կրման համար
27.	Գլխարկներ (կեպի ձմեռային, ականջակալներով)	Նախատեսված է ձմռանը կրման համար
28.	Գլխարկներ (կեպի գարուն-աշուն)	Նախատեսված է գարուն-աշուն կրման համար

29.	Թիկնոց (թիկնոց-ուանոց)	Նախատեսված է գարուն-աշուն կրման համար
30.	Բաճկոնակ անջրանցիկ	Նախատեսված է գարուն-աշուն կրման համար
31.	Սվիտեր (հաստ)	Նախատեսված է ձմռանը կրման համար
32.	Կիսավերարկու	Նախատեսված է ձմռանը կրման համար
<hr/>		
33.	Ներքնաշապիկներ գունաքողարկող (մայկա գունաքող.)	Նախատեսված է զորավարությունների ժամանակ կրման համար
34.	Կիսավերարկու գունաքողարկող	Նախատեսված է ձմռանը զորավարությունների ժամանակ կրման համար
35.	Կոստյում (բաճկոն-տաբատ գունաքողարկող կեպիով)	Նախատեսված է զորավարությունների ժամանակ կրման համար

ՀՀ ոստիկանության կարիքների համար համազգեստի դիզայնի մշակման ծառայության ձեռքբերման համար.

- 30 օրվա ընթացքում մասնակիցը պետք է ներկայացնի միայն համազգեստի առաջարկվող տարբերակների նկարները՝ համակարգչային գրաֆիկայով, ինչպես նաև կարող են ներկայացվել համապատասխան նմուշներ:
- Նախատեսվելու են դրույթներ, որոնց համաձայն՝ մասնակիցը պետք է Պատվիրատուի մասնագետների հետ համատեղ իրականացնի քննարկումներ և փորձարկումներ, ինչպես ներկայացված նմուշի արտաքին տեսքի (երկուսից ոչ ավել), այնպես էլ օգտագործվող հումքի ընտրության և ըստ նշանակության կիրառելիության վերաբերյալ:
- Աշխատանքների ավարտից հետո պետք է ներկայացվեն համազգեստների վերջնական տեխնիկական բնութագրերը, օգտագործվող նյութերի և կտորի բաղադրությունը:

Կ Ա Տ Ա Ր Ո Ղ  
«ՖԱԻՆԱ ԴԻԶԱՅՆ» ՍՊԸ  
Հասցե՝ ք. Երևան, Ծրծեռնակաբերդի խճղ. 1/3  
Բանկ՝ Էվոկարանկ ՓԲԸ  
Հ/Հ 1660015376030100  
ՀՎՀՀ 01400461  
Հեռ: 091050908  
Էլ. Փոստ: [faina.fashion.official@gmail.com](mailto:faina.fashion.official@gmail.com)



Պ Ա Տ Վ Ի Ր Ա Տ ՈՒ  
ՀՀ ոստիկանություն  
ք. Երևան, Նալբանդյան 130  
ՀՀ Ֆինանսների նախարարության  
Աշխատակազմի գործառնական վարչություն  
Հ/Հ 900011021947  
ՀՎՀՀ 01533334  
Հեռ. 010 59-61-52  
Էլ. հարցն՝ [police.gnumner@police.am](mailto:police.gnumner@police.am)



ԿՃԱՐՍՄԱՆ ԺԱՄԱՆԱԿԱՑՈՒՅՑ\*

ՀՀ դրամ

Ծառայության		անվանումը	Դիմաց վճարումները նախատեսվում է իրականացնել 2023 թ-ին՝ ըստ ամիսների, այդ թվում**										Ընդամենը		
հրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	Դիզայնի օժանդակ ծառայություններ	մոխիդուս	մոխիստզփի	տմոյր	Լվվհոո	ոկմոյր	ոկիդուս	ոկիսպ	ոստոսո	մզժրզտոզո	մզժրզտիսպ	մզժրզտիզ	մզժրզտիզգ	990 000
1	79931300/2				000 066	000 066	000 066	000 066	000 066	000 066	000 066	000 066	000 066	000 066	

Պ Ա Տ Վ Ի Ր Ա Տ ՈՒ  
 ՀՀ ոստիկանություն  
 ք. Երևան, Նալբանդյան 130  
 ՀՀ Ֆինանսների նախարարության  
 Աշխատակազմի գործառնական վարչություն  
 Հ/Հ 900011021947  
 ՀՎՀՀ 01533334  
 Հեռ. 010 59-61-52  
 Էլ. փոստ՝ police@ghummer@police.am



Կ Ա Տ Ա Ր Ո Ղ  
 «ՖԱԻՆԱ ԴԻՉԱՅՆ» ՍՊԸ  
 Հասցե՝ ք. Երևան, Ծիծեռնակաբերդի խճուղ. 1/3  
 Բանկ՝ Էվոկաբանկ ՓԲԸ  
 Հ/Հ 1660015376030100  
 ՀՎՀՀ 01400461  
 Հեռ: 091050908  
 Էլ. Փոստ: faina.fashion.off.cia@gmail.com

